

Тодрха гардвран ясрулхмн

М. ЗЕМЛЯНСКИЙ,

«Кировск» совхозин директор.

Мана совхозин коллектив селәнә эдл-ахун эн джилиг му биш диилвртәгъяр төгсгджәнә. Государствд буудя болн мах өглгънә джилә зурагъан күцә-чклавди. Государствд ноос өглгънә зура шидрәс күцәгдхмн.

Эн джилд хөд сәәнәр хәрүлгддид идшүлгдснә ашд махнд өггдсн хөн болгън дундлад 43,4 килограмм татв. Эртәр гарсн хургъд болгънас 1,7—1,9 килограмм ноос авгдджана. Хө-өнд эртәр көг тәвлгън төгсв. Хөөнд искусственн көг тәвлгънә зура 70 процентд күцәгдсн бәәнә.

Эртәр хөөнә төл авлгъиг диилвртәгъяр кехин төлә түрүн болдж малин дулан хаша-хаац,

хөөчнрин гермүд тосхлрмн түргдүлх кергтә. Болв тосхлтин материал, хамгин түрүн болдж модн уган учрар тосхлт өргәр кегдджәхш. Улгүрнъ, мана совхоз эн джилд зурагъар хәләгдсн негн чигн кубометр мод авсн уга. Шил, хада болн нань чигн эркн кергтә материалс йир ховрар ирнә. Совхозснабд РТС-д нам плугин лемеха чигн уга болдж гарна.

Хальмг АССР-н селәнә эдл-ахун министрств эн тоотиг тоолдж эврәннъ гардвран сәәрүлх зөвтә. Селәнә эдл-ахун министрств совхозмудин керглгъиг, алык-нег дуту-дундсиг цагтнь меддж дөнъ-тусан күргджәх кергтә.